

Klaemet Save



issued: April 2026

Klaemet Buletin Blo Turisim


Hemi wan buletin we Vanuatu Meteorology mo GeoHazards Department I mekem, blong givim lukluk blong klaemet kondisen blong manis ia, blong helpem turisim sekta, komuniti mo bisnis blong planem gud ol aktiviti blong olgeta.

<https://www.vmgd.gov.vu/climate/sectoral-products/tourism-climate-outlook>

visit: www.vmgd.gov.vu



- Taem La Niña hemi stap, Vanuatu hemi save kasem plante ren bitim nomol. Hemi save mekem plante ren blo fiu manis kasem wan yia.



© The Bureau of Meteorology

ENSO hemi gobak long Nutrol

LUKLUK BLO MANIS IA EPREL 2026


Wanem gud Side blong Nutrol ENSO?

Weta i stret gud

- I no kat tumas ren or Sun, weta hemi stret gud nomo. I mekem Ol turis oli save plan gud travel blong olgeta from weta i no jenisim tumas
- Smol chance blong flight i cancel o delay, Solwota i stap kwaet moa blong boat mo ship i save service. I mekem man i save good travel experience.
- Olgeta korel oli laef gud, ol sanbeach oli klin mo wota fall grin gud i mekem snorkeling, diving mo sightseeing i moa gud.
- Taim hotel mo airlines i save gud weta, i plan gud mo bisnis i save ron gud mo mekem Profit
- Taim touris hemi kam long gud time mo i ejnoyem, bae hemi wantaem kambak bakegen mo save talem long plante narafala mo.



Day mo naet Tempreja



Wanem nao ol graf ia oli soem long tempreja blong manis Mei 2026?

- Ol graph ia oli soemaot se dei-taem mo naet-taem tempreja bae i wom lelebet bitim nomol long plante ples long Vanuatu long manis Mei 2026. I minim se dei ples i stil wom bitim nomol, mo naet bae i no kolkol tumas.

Hao nao hot dei-taem bae i afektem tourism aktiviti?

Hot dei-taem bae i:

- mekem ol aktiviti aotsaed olsem hiking, village tour mo kastom aktiviti i kam had tumas long mid-dei.
- Mekem ol tourist oli fesem heat stress, speseli long strong san.
- Mekem ol opereta oli mas planem aktiviti long moning o let aftanun.

Hao nao hot naet-taem bae i afektem tourism?


Hot naet-taem bae i:

- mekem tourist oli save no slip gud long naet.
- Resort mo hotel bae oli yusum fan mo AC moa.
- Eneji yus i save go antap.
- Ol accommodation oli mas mekem sua ventilation i gud mo givim infomesen long guest long stay komfot

Wanem nao graf ia i talem long ren blong manis Mei 2026?

Graph ia i soemaot se plante ples long Vanuatu bae laikly kasem Bilou nomol renfol long manis Mei 2026, wetem 30-40% Jais blong ples i drae plante.

Renfol Aotluk blo manis May



From wanem Bilou nomol renfol kondisen hemi gud Long tourism aktiviti?

Bilou Nomol renfol i minim se:


- Plante sun days blong mekem ol outdoor activity
- Taem i nokat tumas ren, i no kat tumas cancel long flights mo events
- Road access long ol tour sites oli dry mo save touris i save visitim
- Taim i nokat tumas rain, solwota hemi clean blong mekem snorkeling mo diver.

Nogud saet blong Bilou Nomol renfol:

- I kat shortage blong wota long samfala resorts/bungalow we i no savem mekm touris is happy.
- Ples oli save dry tumas mo no luk gud
- samtines ol smol smol river i save dry
- i save kat Bush fire taim ples i drae tumas we putum fraet long touris
- Hemi save spoilem ageo-tourism taim ol ol kakai long karen i no grow gud from tumas sun.

Marine heatwave

Vanuatu
Daily Marine Heat Wave: 19 April 2026



Wanem nao Marine Heatwave (MHW)?

- Marine Heatwave hem i taem we solwota i stap hot bitim nomol blong plante dei o wik, i no jes wan dei nomo. Hem i minim se solwota i stap hot longtaem, mo hem i save putum presha long ol fis, koral, mo narafala marine laef.

Wanem nao lukluk blong Marine Heatwave kondisen blong Vanuatu long 2026?

- Lukluk blong Marine Heatwave blong April 2026 i soem se plante pat blong solwota raon long Vanuatu bae i stap long 'Moderate' Marine Heatwave kondisen.
- Moderate Marine Heatwave i save putum smol stres long coral reef, be i no minim se bae i gat bigfala coral bleaching evri ples. Sam ples bae i stap gud, sam ples bae i jensem kala lelebet

LUKLUK LONG OL KOREL REEF

Wanem nao Coral Bleaching?

Coral bleaching hem i hapen taem solwota i stap hot bitim normal blong samtaem, mekem koral i kam stres mo lusum kala blong hem. Taem hemia i hapen, koral i no ded kwik, be hem i kam wik mo i had blong gro sapos hot solwota i gohed.


Wanem nao lukluk blong Coral Bleaching kondisen blong Vanuatu long Mei 2026?

Lukluk blong 4-wik Coral Bleaching Outlook blong 4 Mei 2026 i soem se plante pat blong solwota raon long Vanuatu i stap long No stress. Hemia i minim nomo se bae i nokat any samting i hapen long olgeta korels long solwota. Rif oli stap long ol nomol kondisen blong olgeta.


Wanem mining blong hem long turisim sekta?

sapos Rif stap "Alert 1 mo alert 2 i minim se i kat danger long ol korel reefs. Long saed blong turisim, hemia i minim se no tekem out any activity osem snorkeling, diving mo ol nara acitivity we i save contribute blo kilim korel we i stap long stress.

Vanuatu
4 Week Coral Bleaching Outlook: 4 May 2026



LEVEL BLONG SOLWOTA



© Pacific Community (SPC) 2025

ACCESS-S2

From wanem nao Sea Level hemi impoten long turisim?

Sea level hemi impoten long turisim from hem i afektem beach access, reef kondisen, mo taem blong solwota aktiviti olsem snorkelling, diving mo boat travel.

Wanem lukluk blong Sea Level blong manis Mei 2026?

Level blong Solwota long manis Mei 2026 i soem se solwota bae hemi kat nomol sea level Long Mei mo too,

- i no kat any sign blong kat wan extreme level we bae save kosem damej be sapos i gat low pressure system o strong win, hemia i save mekem storm surge.

Hao nao Sea Level outlook bae i afektem turisim sekta long neks manis?

Wan sea level drop blong 30–60 mm i no bigfala samting blong tourism. Yu no save luk bigfala jenis long beach, jetty, o wharf long plante ples



+678-24686



WWW.VMGD.GOV.VU



VMGD, NAMBATU, PORT VILA

LOW MO HAE TIDE

Top Lowest and Highest Tides for February to April: Loganville & Port Vila Harbor

Luganville Harbour						Port Vila Harbour					
Lowest Tide	Date	Time (VUT)	Highest Tide	Date	Time (VUT)	Lowest Tide	Date	Time (VUT)	Highest Tide	Date	Time (VUT)
0.21m	19 Apr	12:pm	1.80m	18 Apr	04:47am	0.20m	20 Apr	13:54pm	1.55m	18 Mar	05:43am
0.11am	18 May	12:04am	1.83m	17 May	04:21am	0.08mm	18 May	12:53am	1.54m	17 May	05:08am
0.06m	16 June	11:59am	1.83m	15 June	04:07am	0.03m	16 June	12:44am	1.51m	15 May	04:45am

MOON FES

New Moon 	First Quarter 	Full Moon 	Last Quarter 
19 March	26 March	2 April	10 April
17 April	24 April	2 May	10 May
17 May	23 May	31 May	8 June

 (+67823866), Free Toll 116,
  Climate@meteo.gov.vu
 vmgd.gov.vu
 Vanuatu climate & Ocean services_VMGD

**Taem yumi save gud
klaemet kondisen, yumi
save planem turisim
aktiviti blong yumi blong
stap sef mo givim
gudfala experience long
ol visitor.**